

ADMINISTRACIÓN LOCAL

MUNICIPAL

BETANZOS

Creación Xunta de Goberno Local 2023-2027

ANUNCIO: Creación Xunta de Goberno Local 2023-2027

Por decreto da Alcaldía nº 1153/2023 de data 20/06/2023 (expediente: 2023/G003/001206) constituiuse a Xunta de Goberno Local 2023-2027

“**PRIMEIRO**:- Constituír a Xunta de Goberno, órgano colexiado municipal de carácter resolutorio, que quedará integrada polos membros seguintes:

Presidenta:- María Barral Varela.

Vogais: Diego Fernández López, primeiro tenente de alcalde.

Andrés Teijo Hermida, segundo tenente de alcalde.

Ana Belén Veiga Pita, terceira tenente de alcalde.

Ricardo Cheda Faraldo, cuarto tenente de alcalde.

María Ángeles Veiga López, quinta tenente de alcalde.

SEGUNDO:- A Xunta de Goberno Local celebrará sesión ordinaria decisoria o segundo e cuarto xoves de cada mes ás 8.30 horas, na sala de xuntas do Edificio Liceo, previa convocatoria realizada pola Alcaldía, e sesión deliberante ordinaria semanalmente, preferentemente cada luns ás 8.30 horas, previa convocatoria realizada pola Alcaldía.

TERCEIRO:- Facultar á alcaldesa presidenta para alterar as sesións da Xunta de Goberno Local que coincidan coa Semana Santa e Nadal, como consecuencia dos períodos vacacionais, cando iso non menoscabe a xestión dos asuntos municipais, así como para pospor ou avanzar a celebración das sesións ordinarias da citada Comisión, dentro da mesma semana da súa celebración, cando o día fixado sexa festivo ou outras circunstancias que se xustifiquen.

CUARTO:- A Xunta de Goberno, cuxa competencia básica é prestar asistencia e asesoramento a esta Alcaldía no exercicio das súas atribucións, ostentará, por delegación desta, as competencias seguintes:

A) Concesión de licenzas de apertura de establecementos comerciais, industriais, mercantís ou de calquera outra índole que non estean delegadas no concelleiro de urbanismo ou que correspondan ao Pleno.

B) Concesión de licenzas de obras en xeral, demolicións e declaracións de ruína que non estean delegadas no concelleiro de urbanismo ou que correspondan ao Pleno.

C) As aprobacións de instrumentos de desenvolvemento do plan xeral non expresamente atribuídas ao Pleno, así como a dos instrumentos de xestión urbanística e dos proxectos de urbanización.

D) As contratacións e concesións de toda clase, sexa cal fora o seu importe, que sexan competencias da Alcaldía, e os contratos menores en contía superior aos 30.000 euros en obras e 6.000 euros en servizos ou subministrados.

E) A aprobación dos proxectos de obras e de servizos cando sexa competente para a súa contratación ou concesión e estean previstos no orzamento, así como aprobación dos pregos de condicións técnicas facultativas e económico-administrativas, resolución das reclamacións ou recursos interpostos contra eles e aprobación definitiva.

F) A adquisición de bens e dereitos cando o seu valor non supere o 10% dos recursos ordinarios do orzamento nin os 3.000.000 euros, así como o alleamento do patrimonio que non supere a porcentaxe nin a contía indicada nos seguintes supostos:

-As de bens inmobles, sempre que estea prevista no Orzamento.

-As de bens mobles, salvo os declarados de valor histórico ou artístico cuxa alleamento non se atope prevista no Orzamento.

G) A concesión de todas as subvencións que teñan nos orzamentos municipais consignación específica ou nominativa ou, se a consignación é global, sempre que non supere a cantidade de 6.000 euros.

QUINTO:- As atribucións delegadas teranse que exercer pola Xunta de Goberno nos termos e dentro dos límites desta delegación, non sendo susceptibles de ser delegadas en ningún outro órgano. No texto dos acordos adoptados pola Xunta de Goberno en virtude desta delegación, terase que facer constar esta circunstancia mediante a inclusión, na parte expositiva, do texto seguinte: “a adopción deste acordo é competencia desta Xunta de Goberno en virtude das delegacións efectuadas polo Alcalde deste Concello, mediante Decreto de data 20.06.2023”. Os acordos que se adopten por delegación entenderanse ditados por esta alcaldía como titular da competencia orixinaria, a quen se terá que manter informado o exercicio da delegación, e serán inmediatamente executivos e presuntamente lexítimos.

SEXTO:- Comunicarlles esta resolución a todos os concelleiros afectados e aos xefes dos diferentes servizos municipais, para o seu coñecemento e efectos e publicar esta resolución no Boletín Oficial da Provincia, en cumprimento do disposto polo artigo 44.2 do Real Decreto 2568/1986, de 28 de novembro, polo cal se aproba o Regulamento de organización, funcionamento e réxime xurídico das entidades locais e dar conta ao Pleno desta resolución na sesión extraordinaria que se convoque para dar cumprimento ao previsto polo artigo 38 do Regulamento de organización, funcionamento e réxime xurídico das entidades locais.”

Betanzos, 22 de xuño de 2023

A alcaldesa

María Barral Varela

2023/5119



ADMINISTRACIÓN LOCAL MUNICIPAL BETANZOS

Periodicidade das sesións

ANUNCIO

ORGANIZACIÓN CONCELLO: 3.- PERIODICIDADE DAS SESIÓNS

O Pleno da Corporación Municipal, en sesión extraordinaria realizada o 22 de xuño de 2023, adoptou o acordo que na súa parte dispositiva di:

PRIMEIRO.- Establecer que as sesións ordinarias do Pleno da Corporación, terán lugar o último martes de cada mes, periodicidade mensual, ás 20.30 horas, no Salón de Sesións do Concello, ou lugar habilitado ao efecto.

SEGUNDO.- Cada Grupo Municipal poderá presentar ata tres mocións para o seu debate en cada sesión plenaria ordinaria.

TERCEIRO.- A Xunta de Goberno Local celebrará sesión ordinaria decisoria o segundo e cuarto xoves de cada mes ás 8.30 horas, na sala de xuntas do Edificio Liceo, previa convocatoria realizada pola Alcaldía, e sesión deliberante ordinaria semanalmente, preferentemente cada luns ás 8.30 horas, previa convocatoria realizada pola alcaldía.

CUARTO.- Comunicar este acordo a todos os Concelleiros afectados e aos encargados dos diferentes Servizos Municipais, para o seu coñecemento e efectos e publicar o correspondente anuncio no Taboleiro de Anuncios, na sede electrónica municipal e portal de transparencia, e no Boletín Oficial da Provincia da Coruña.”

O que se publica aos efectos oportunos.

Betanzos, 28 de xuño de 2023

A alcaldesa

María Barral Varela

2023/5212



ADMINISTRACIÓN LOCAL MUNICIPAL BETANZOS

Delegacións do Pleno na Xunta de Goberno Local

ANUNCIO

ORGANIZACIÓN CONCELLO: 6.- DELEGACIÓN DO PLENO NA XUNTA DE GOBERNO LOCAL

O Pleno da Corporación Municipal, en sesión extraordinaria realizada o 22 de xuño de 2023, adoptou o acordo que na súa parte dispositiva di:

“**PRIMEIRO**.- Delegar na Xunta de Goberno Local as seguintes atribucións do Pleno da Corporación:

-A concesión da bonificación na cota do Imposto sobre Construcións e Instalacións ICIO, prevista na Ordenanza Fiscal e determinada no artigo 103.2.a do RD 2/2004, de 5 de marzo, TRLRFL.

SEGUNDO.- Publicar o correspondente anuncio no Taboleiro de Anuncios, na sede electrónica municipal e portal de transparencia, e no Boletín Oficial da Provincia da Coruña.”

O que se publica aos efectos oportunos.

Betanzos, 28 de xuño de 2023

A alcaldesa

María Barral Varela

2023/5217